



ANEXO VI: MODELO DE DOCUMENTO “PLAN DE CONTINXENCIA DO CENTRO EDUCATIVO”

O Plan de Continxencia da Escola Oficial de Idiomas de Vilagarcía ten por finalidade establecer os procesos para o reinicio da actividade académica presencial no caso de que se teña interrompido a actividade lectiva nunha aula ou no centro como consecuencia da aparición dun gromo.

ACTUACIÓNS PREVIAS DIANTE DA APARICIÓ DO GROMO

Non asistirán ao centro aqueles estudantes, docentes e outros profesionais que teñan síntomas compatibles con COVID-19, así como aqueles que se atopen en illamento por diagnóstico de COVID-19, ou en período de corentena domiciliaria por ter contacto estreito con algunha persoa con síntomas ou diagnosticada de COVID-19.

Diante dunha persoa que desenvolva síntomas compatibles con COVID-19 no centro educativo seguirase o seguinte protocolo de actuación:

- Caso de ser menor de idade, levaráselle á sala de Covid (sala de mediación no noso centro) ata a recollida por parte da familia. Manteranse abertas ambas xanelas para asegurar a adecuada ventilación. Conta con xel hidroalcolico e papeleira con tapa de pedal.
- Será necesario contactar cun membro do equipo covid do centro.
- A persoa que acompañe ao caso sospeitoso deberá levar o material de protección adecuado:
 - máscara cirúrxica, se a persoa con síntomas a leva. (dispoñibles na sala covid)
 - de forma excepcional e no caso específico de que o/a alumno/a non porte máscara nese momento dado, a persoa acompañante usará máscara FFP2/KN95 sen válvula, ademais dunha pantalla facial e unha bata desbotable. Na eventualidade de que non houberse dispoñibilidade de máscaras FFP2/KN95, poderá utilizarse unha máscara cirúrxica xunto coa obrigatoriedade da utilización da pantalla. (dispoñibles na sala covid)O stock deste material para as situacións nas que se requira para a atención dun caso sospeitoso será xestionado pola secretaria do centro, ou persoa na que delegue, e estará dispoñible en cantidade suficiente na sala covid.

Se coincidisen no tempo máis dun caso con sintomatoloxía compatible coa Covid-19, os restantes casos agardarán acompañados por algunha persoa traballadora do centro educativo de preferencia nun lugar cuberto exterior ao edificio ou noutro lugar interior coa ventilación adecuada.

Os pais ou titores do/a menor deberán chamar ao centro de saúde de Atención Primaria de referencia, ou ao teléfono de referencia do SERGAS e seguirán as súas instrucións.

Caso de ser maior de idade, a persoa que inicie síntomas debe abandonar o centro protexido por máscara, e logo seguir as instrucións do centro de saúde ata que a súa situación médica sexa valorada por un profesional sanitario.



O/A traballador/a que inicie síntomas debe abandonar o seu posto de traballo protexido por máscara, e logo seguir as instrucións do centro de saúde ata que a súa situación médica sexa valorada por un profesional sanitario.

En caso de presentar síntomas de gravidade ou dificultade respiratoria chamarase ao 061.

No suposto da aparición dun caso, nun centro educativo tanto sexa do alumnado, profesorado ou persoal do centro, a persoa coordinadora do equipo formado na COVID-19, a petición dos servizos de saúde a través de EduCOVID, incluírá na aplicación informática a información prevista do eventual afectado/a relativa aos contactos estreitos, dos compañeiros/as afectados/as e do seu profesorado, así como de quen sexa persoa próxima vencellada ao centro educativo.

A familia dun menor con sospeita de contaxio, deberá solicitar unha consulta telefónica co seu pediatra ou médico de cabeceira para que este avalíe a necesidade de solicitude dun test diagnóstico.

Tras a aparición dun caso diagnóstico da Covid-19 seguiranse as recomendacións da Xefatura Territorial de Sanidade, sendo posible que nun centro teña que estar illada unha parte dun centro educativo (aula ou grupo de aulas) mantendo o funcionamento do resto da forma habitual en función do número de contactos identificados en cada gromo.

A autoridade sanitaria, en coordinación coa Consellería de Educación, a través do Grupo de Coordinación e Seguimento da Pandemia determinará en cada caso o número de persoal e alumnado afectado e a duración das medidas de corentena o que se comunicará ao equipo COVID do centro para a súa comunicación á comunidade educativa, sen prexuízo da información que sexa facilitada pola autoridade sanitaria.

A autoridade sanitaria, en función do número de contaxios, poderá ordenar o peche dunha ou varias aulas do centro educativo.

A aparición dun contaxio sospeitoso con posterior confirmación é un suposto de declaración obrigatoria que implicará por parte da autoridade sanitaria a obriga de entrada en corentena de polo menos 10 días a todas as persoas que teñan a consideración de contacto estreito.

A suspensión da actividade lectiva presencial suporá a aplicación das normas previstas no presente protocolo relativas ao ensino a distancia. Aos efectos de determinación do nivel de risco a autoridade sanitaria poderá volver a avaliar o pase ao nivel de riscos NR 2 para os supostos de consideración de vulnerabilidade e de cualificación de persoal sensible.



ACTUACIÓNS PARA O PERÍODO DE ACTIVIDADE LECTIVA NON PRESENCIAL

O ensino non presencial será impartido polo profesorado ordinario do alumnado a través da aula virtual de cada grupo. O profesorado realizará o seguimento do alumnado impartindo os coñecementos da materia de xeito virtual a través dos contidos dispoñibles ben achegados polo profesorado ou ben os que poña a disposición a Consellería. Igualmente o/a profesor/a poderá poñer tarefas ao alumnado que reforcen co contido da materia ou a avaliación continua da mesma, segundo o establecido no plan de acción tutorial do centro, escenario de non presencialidade.

O equipo COVID do centro identificará ao alumnado que teña dificultades de conexión ou falla de equipamento para que a consellería adopte as medidas oportunas que minimicen as eventuais dificultades da educación realizada por medios telemáticos.

Para cada caso concreto de suspensión da actividade lectiva presencial a Consellería poderá adoptar as medidas oportunas en relación cos períodos ordinarios de avaliación do alumnado cando coincidan co tempo de suspensión.

Durante o período de suspensión da actividade presencial o centro educativo ten previstas as seguintes medidas:

- a) Limpeza extraordinaria e hixienización dos espazos empregados polas persoas afectadas polo grupo.
- b) Mantemento do proceso educativo das persoas afectadas a través da aula virtual do/s grupo/s afectado/s.
- c) Seguimento dos casos para, no noso ámbito de actuación, minimizar os efectos da suspensión da actividade presencial no proceso educativo das persoas afectadas.

MEDIDAS PARA O REINICIO DA ACTIVIDADE LECTIVA PRESENCIAL

Finalizado o período de peche presencial da aula ou do centro realizarase unha planificación do retorno a actividade presencial.

Caso de confinamento de unha parte ou a totalidade do grupo, a persoa docente titora de cada grupo valorará cada caso de xeito individual e, se fose necesario, establecerá medidas de reforzo extraordinarias para as persoas afectadas.

Caso de confinamento do centro, a comisión de coordinación pedagóxica, oídas as persoas titoras e coordinadoras dos distintos niveis, establecerá as medidas de reincorporación ás aulas e as medidas de adaptación no marco normativo vixente.

A dirección do centro, oída a comisión de coordinación pedagóxica, establecerá un calendario de reincorporación progresivo á actividade presencial se así o recomendasen as autoridades educativas e/ou sanitarias e seguindo as indicacións das mesmas.